

達旨

章士釗

崔颺達旨。乃揚雄解嘲。韓愈釋言之流亞也。志不得通。懷有欲吐。因設爲問答之詞。相與往復。濃體沉博。唐文條達。各擅勝場。曲傳文心。誠甚盛業。士林嗟歎。愚也不才。文詞鄙淺。方之擗賢。百不逮一。今爲此篇。妄擬亭伯。亦略師其意。以明吾素云爾。固無意屬文也。

有將人言以告於愚者曰。子一年中所遭政迹。時議紛紜。都不必在念。蓋賄選贖國。事涉公羞。略加裁抑。有益政要。學風扇發。天下病焉。父兄之教莫先。整飭之方宜講。子營此事。且有同情。即金佛郎案。牽連國交。遲速必辦。爲國任重。得謗乃常。旣寵賂之不章。奚怨毒之難解。吾期期以爲不可。而君坐是市天下之怨。絕友朋之好。行且蹈不測之罪。貽無窮之羞者。惟辦甲寅周刊一事耳。今君居危域之中。偷一息之安。避者四周。談士抵隙。非賢者恢張言論自由見志之秋也。千金之子。坐不垂堂。被議之躬。法當思過。子其暫擗爾筆。暫固爾聲。括囊墨學。卷懷雜記。將所謂甲寅者。立止不辦。審天下事之未可以口舌爭也。則姑爲玄靜。退藏於密。以待天下之變。歷世而游。高談有日。固無取即今曉曉。以蒙恥召怒爲也。愚曰。謹聞教。雖然。竊有感焉。愚自弱冠。卽爲論師。臧否人倫。平章政事。二十餘年。所歷彌宏。民立報者。同盟會之機關也。爾時南府初立。爲勢絕張。海上羣言。以次屏息。獨愚持說侃侃。避就未遑。孫黃發策。靡不繩論。黨人裂眚而譏其後。天下揮淚以頌其公。愚

誠高右任之洪慮。服鴻仙（范君光啓詩繼右任總理民主報）之雅度。言論之重。百年一時。而今何望也。十四年間。黨爭日狹。假借之地微。排娼之風甚。納言之量。一致所無。國論不容。逸言黨論。愚亦機隨年熟。慮與習增。不肯縱言。濫招時謗。甲寅違難。偶立長篇。癸亥南遷。時爲短論。固已多方藉藉。妙合衆情。陵夷迄於周刊。所論偏而不全。指亦不至（魯董語）。稜威四損。驛賸自甘。其得以士論自矜也亦屢矣。固不尤人。因何市怨。方病標榜。絕好云何。威號不測。不言容有他咎。羞曰萬世。前玷固已不磨。客所云云。由前似爲過當之慮。由後不見啓予之效。愚惑滋甚。敢問所由。客曰。某公之與。爲時忌嫉。左右疏附。紛見抵排。天下方思轉移時局。刷新國事。首在明失道之寡助。昭士議之不歸。一舉傾之。庶協公論。今子淹有文采。默持風會。游談之士。望風景從。獨於斯時。廣爲聲氣。爭立文字。公私誦說。唯恐不及。此隱之貽譏于附膺。顯之賈怨於效逆。遮阻輿情。增益政弊。疇不憾焉。即在交游。亦彌不歡。蔡邕三遷。史家疑其後福。隨會在秦。朋儔於焉歎息。結小信而傷大計。驚虛名而羅衆怨。吾甚爲子不取也。答曰。惡。有是言乎。鄙志所存。行且釋汝。更有他故。併望開陳。客曰。天下不可蓋者也。計惟下之。衆人不可先者也。計惟後之。老氏守雌。非不知雄。孟明三敗。不足爲辱。羣衆無理可言。輿論以盲爲性。今社會期子以玄默。即子甲寅周刊催停辦爲便之第一因也。答曰。嗚呼。愚明之矣。此亭伯所謂苟欲勉我以世路。不知其跌而失吾之度者也。夫以順逆易操者。修士之所鄙也。以毀譽動心者。介士之所制也。愚雖不才。而以言論自見。亦既有年。不爲何人而始。當亦不爲何人而終。猥與時會。竊位爲過。此關一時進退之節。與文章論世之業何妨。即以前者機宜論之。探木之智。

辯酌宜先。流極之運。故遠無益。人不負我。我爲能負。人愚生不工趨避之義。夙志不干違道之譽。吾行吾素。知罪惟人。若其中散放言。刑隲華士。伯嗜變容。罰同邪黨。生命既絕。詞旨自空。或者資盡援絕。不名一錢。杯葛之行。及於本社。又或聲華銳減。舉世見非。觀戶毀約。弗更披覽。有一於此。筆亦暫停。如其不爾。愚惟因天質之自然。遵輿誦之本務。不激論以鳴高。毋卑詞以乞憐。天爵自修。人言何恤。懷君子而居易。俟性命之所存而已。昔厲王受調於防川。子產驚心於毀校。孟子藪人而說大。魯連恥帝而辯言。蘇季質疑阿嫂。臬卿斷舌於強禦。相如雍容而諭蜀。陳琳憤痛而詆曹。方朔寄意於滑稽。史遷談言於徵中。班固通義於白虎。介盧辨音於牛鳴。任隨激莊諸之所之。亦成毀謗譽之惟命。愚何敢引古人而爲徒。竊欲制天下之至動者以至靜。

(錄自甲寅周刊第一卷第二十四號民國十四年十二月二十六日)